

**Ukiuni 1960-ikkut qiteqqunneqarannit 1970-ikkut qiteqqunneqarannut qallunaat peqqinnissamik oqartussaasuisa Kalaallit Nunaanni naartunaveersaartitsinissamik periuserisimasaat pillugu Qallunaat naalakkersuisuisa nassuiaateqarnissaannik suliamik aallaartitsinissamik qinnuigineqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

*Inatsisartunut ilaasortat, Naleraq*

pillugu

**Ilaqutariinnermut Peqqissutsimullu Ataatsimiititaliap**

**siunnersuutit aappassaaneerreqarnerannut**

**ISUMALIUTISSIISSUTAA**

Ataatsimiititaliaq suliarinninnermini uku ilaasortarai:

Inatsisartunut ilaasortaq Hans Peter Poulsen, Siumut, siulittaasoq  
Inatsisartunut ilaasortaq Anna Wangenheim, Demokraatit, siulittaasup tullia  
Inatsisartunut ilaasortaq Mikivsuk Thomassen, Inuit Ataqtigiiit  
Inatsisartunut ilaasortaq Eqaluk Høegh, Inuit Ataqtigiiit  
Inatsisartunut ilaasortaq Mala Høy Kúko, Siumut  
Inatsisartunut ilaasortaq Aslak W. Jensen, Siumut  
Inatsisartunut ilaasortaq Emanuel Nûko, Naleraq

UPA2022, maajip 24.-iani siullermeerinerup kingorna siunnersuut ataatsimiititaliap misissorpaa.

### **1. Siunnersuutip imarisaa siunertaalu**

Ukiuni 1960-ikkut qiteqqunneqarannit 1970-ikkut qiteqqunnerannut qallunaat peqqinnissamik oqartussaasuisa Kalaallit Nunaanni naartunaveersaartitsinissamik periuserisimasaat pillugu Qallunaat naalakkersuisuisa nassuiaateqarnissaannik suliamik aallaartitsinissamik qinnuigineqarnissaannik Naalakkersuisut peqquneqarnissaannik siunnersuummi matumani siunertarineqarpoq.

## **2. Siunnersuutip Inatsisartuni siullermeerneqarnera**

Siunnersuut partiinit tamanit tapersorsorneqarpoq Naalakkersuisullu imaattumik allannguutissatut siunnersuummik saqqummiussillutik:

*” Ukiuni 1960-ikkut qiteqqunneqarannit 1991-ip naaneranut qallunaat peqqinnissamik oqartussaasuisa Kalaallit Nunaanni naartunaveersaartitsinissamik periusersimasaat pillugu Qallunaat naalakkersuisuisa arlaannaanilluunniit attuumassuteqanngitsuniit misissuinissamik aallaartitsinissamik qinnuigineqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut ”.*

## **3. Inatsisartuni ataatsimiititaliat allat akuutinneqarnerat**

Ataatsimiititaliap siunnersuummik suliaqarnerminut atatillugu Inatsisinut Ataatsimiititaliaq isumaliutissiissutissatut missingusiaq tusarniaassutigineqarpoq oqaaseqaammillu saqqummiussaqaarnissaanik qinnuigaa. Inatsisinut Ataatsimiititaliaq oqaaseqaatissaqaangilaq.

## **4. Ataatsimiititaliap siunnersuummik suliarinninnera**

Aallarniutigalugu ataatsimiititaliap oqaatigissavaa, siullermeerinermi siunnersuut pillugu eqeersimaartorujssuarmik oqallittoqarmat tassungalu atatillugu siullermeerinermi oqaaseqaatit oqaluttuallu saqqummertut eqqarsaatigalugit annertuumik misigissutsikkut attuimmat eqqarsariartitsillunilu. Taamaattumik suliaq pillugu Naalakkersuisut danskit peqqissutsikkut oqartussaasuunik oqaloqateqarneq aallartereersimasoq ersermat ataatsimiititaliap nuannaarutigaa.

### **4.1 Naalakkersuisut allannguutissatut siunnersuutaat**

Allannguutissatut siunnersuut siunnersuutaqaartumit allaanerummat ataatsimiititaliamit maluginiarneqarpoq, tassa danskit peqqinnissakkut oqartussaasuisa Kalaallit Nunaanni naartunaveersaartitsinissamik periusersimasaat arlaannaanulluunniit attuumassuteqanngitsuniit misissuiffigineqarnissaa pillugu piumasaqartoqarmat. Tamatuma saniatigut misissuinissami piffissaliunneqartoq piffissami 1991-p naaneranut annertusineqarpoq. Tassunga atatillugu piffissaliunneqartup annertusineqarnera iluaqutitaqarsinnaasoq ataatsimiititaliamit oqaatigineqassaaq, taamaaliornikkummi peqqinnissaqarfiup Kalaallit Nunaannit tiguneqarneranit naartunaveersaartitsinissamik periuserineqarsimasut annertunerusumik ilisimasaqarfigineqalertussaammata paasisimasaqarfigineqalerlutillu. Taamani peqqinnissaqarfiup aqqissugaanera ullumikkut nunap immikkoortuinut tallimanut aggulunneqarsimaneranut saniliullugu allaanerujussuunera ataatsimiititaliamit oqaatigineqassaaq.

#### **4.2 Misissuinerup imarisassaa**

Taamani Kalaallit Nunaanni inatsisilerinikkut inatsisitigullu atugassarititaasut misissuinermit qitiutinneqarnissaat ataatsimiititaliamit naatsorsuutigineqarpoq, misissuinermit oqaluttuarisaanermut tunngasut, tassa arnanut eqqugaasunut ilaqutaannullu tunngasut, tikinneqarnissaat pinngitsoorneqarsinnaanngilaq. Misissuinermit uppersaatissat nalunaarsukkat attuumassuteqartut peqqinnissaqarfimmiittut aammalu toqqorsivinni assigiinngitsuni uppersaataasinnaasut suulluunniit ujartorneqarnissaat ataatsimiititaliamit aamma pingaartinneqarpoq.

Tassunga atatillugu Sermitsiami 12. maj<sup>1</sup> allaaserineqartoq ataatsimiititaliap innersuussutigissavaa, tassani allassimammasoqarpoq Kalaallit Nunaanni Inuit Pisinnaatitaaffii pillugit Siunnersuisoqatigiiffiup aamma Inuit Pisinnaatitaaffii pillugit Institutip ataatsimut oqariartuuteqartut taamanilu periuserineqarsimasut nikanarsaasuusut inuppalaanngitsuutullu oqaatigineqarlutik. Tassunga ilanngullugu missuinissami inuit pisinnaatitaaffiinik unioqutitsisoqarsimanera pillugu naliliisoqarnissaa avaqqunneqarsinnaanngitsoq ataatsimiititaliamit oqaatigineqassaaq.

#### **5. Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunnngortinneqarnissaanut aningaasatigut allaffissornikkullu kingunerisassai siunnersuummut tunngavilersuutitut allanneqassasut.

Siunnersuutip piviusunnngortinneqarnerani aningaasatigut kingunerisassai siunnersuummut matumunnga naapertuuttut ataatsimiititaliap maluginiarpaa, taamaalilluni danskit Naalackersuisuut saaffiginninnissamat aningaasarsiat ukiup sisamararterutaa (125.000 kr. miss.) qaangernaviannngikkaa naatsorsuutigineqarpoq.


#### **6. Ataatsimiititaliap inassuteqaatai**

- Ataatsimiititaliap isumaqatigiittoq Naalackersuisut allannguutissatut siunnersuutaat akuerineqassasoq inassutigaa


---

<sup>1</sup> [Qivioq Løvstrøm: Inuit pisinnaatitaaffii allat unioqutinneqarsimanersut misissortariaqarput | Sermitsiaq.AG](#)

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.




Hans Peter Poulsen  
Siulittaasoq




Anna Wangenheim  
Siulittaasup tullia



Mikivuk Thomassen



Eqaq Høegh



Mala Høy Kúko



Aslak W. Jensen



Emanuel Núko